

四部叢刊

孟論孝

子語經

Z121/070:1 (8)

四部叢刊初編經部

孝

經

一卷

據商務印書館一九二六年版重印

四部叢刊初編(八)

孝 論 孟

經 語 子

唐玄宗註
魏何晏集解
漢趙岐註

上海書店印行

上海福州路四二四號

上海影印廠印刷

上海涵芬樓借建
德周氏藏宋刊本
景印元書版匡高
營造尺七寸寬營
造尺四寸五分

孝經序

唐玄宗皇帝御製

朕聞上古其風朴略。雖因心之孝已萌。而資敬之禮猶簡。及乎仁義既有。親譽益著。聖人知孝之可以教人也。故因嚴以教敬。因親以教愛。於是以順移忠之道昭矣。立身揚名之義彰矣。子曰。吾志在春秋。行在孝經。孟。行下反。下同。是知孝者德之本歟。經曰。昔者明王之以



孝理天下也。不敢遺小國之臣。而況於公侯。

伯子男乎。朕嘗三復斯言。（三）息景行先哲。

雖無德教加於百姓。庶幾廣愛刑于四海。嗟

乎。夫子沒而微言絕。異端起而大義乖。況泯

絕於秦。（泯）彌得之者皆煨燼之末。（煨）烏

徐忍濫觴於漢。（濫）盧傳之者皆糟粕之餘。

角反故魯史春秋學開五傳。國風雅頌分

為四詩。去聖逾遠。源流益別。近觀孝經舊註。

蹠駁尤甚

蹠。尺尹反。駁。北角反。

至於跡相祖述殆且

百家

音待

業擅專門猶將十室希升堂者必

自開戶牖攀逸駕者必騁殊軌轍

騁。丑郢反。

是

以道隱小成言隱浮僞且傳以通經爲義

直戀反

義以必當爲主至當歸一精義無二安

得不翦其繁蕪

當去聲下同

而撮其樞要也韋昭

王肅先儒之領袖虞翻劉邵抑又次焉劉炫

明安國之本

音縣

陸澄譏康成之註在理或

當何必求人。今故特舉六家之異同。會五經

之旨趣。

聚反。趣七。

約文敷暢。義則昭然。分註錯

經理。亦條貫。寫之琬琰。

琬。音宛。以冉反。

庶有補於

將來。且夫子談經。志取垂訓。雖五孝之用。則別而百行之源不殊。是以一章之中。凡有數句。一句之內。意有兼明。具載則文繁。略之又義闕。今存于疏。用廣發揮。

孝經一卷



開宗明義章第一



仲尼居

仲尼孔子字居謂閒居

曾子侍

曾子孔子弟子侍謂侍坐

子曰

先王有至德要道以順天下民用和睦上

下無怨

孝者德之至道之要也言先代聖德之主能順天下人心行此至要之化

則上下臣人和睦無怨

女知之乎曾子避席曰參不敏

何足以知之

參曾子名也禮師有問避席起答敏達也言參不達何足知此

至要之義女音汝下同

子曰夫孝德之本也

人之行莫大於孝故



為德本。音符。後竝同。

教之所由生也

言教從孝而生。

復坐吾

語女

曾參起對。故使復坐。

語去聲。

身體髮膚受之父母不

敢毀傷孝之始也

父母全而生之。己當全而歸之。故不敢毀傷。

立

身行道揚名於後世以顯父母孝之終也

言能

立身行此孝道。自然名揚後世。光榮其親。故行孝以不毀為先。揚名為後。

夫孝始

於事親中於事君終於立身

言行孝以事親為始。事君為中。

忠孝道著。乃能揚名榮親。故曰終於立身也。

大雅云無念爾祖聿

脩厥德

詩大雅也。無念。念也。聿。述也。厥。其也。義取恒念先祖。述脩其德。

天子章第二

子曰愛親者不敢惡於人

博愛也。惡烏路反。

敬親者

不敢慢於人

廣敬也。

愛敬盡於事親而德教加

於百姓刑于四海

刑法也。君行博愛廣敬之道使人皆不慢惡其親則

德教加被天下當為四夷之所法則也。盡津忍反。

蓋天子之孝也

蓋猶

略也。孝道廣

甫刑云一人有慶兆民賴之

甫刑

即尚書呂刑也。一人天子也。慶善也。十億曰兆。義取天子行孝兆人皆賴其善。

諸侯章第三

在上不驕。高而不危。

諸侯列國之君。貴在人上。可謂高矣。而能不驕。

則免危也。

制節謹度。滿而不溢。

費用約儉。謂之制節。慎行禮法。謂之

謹度。無禮為驕。奢泰為溢。

（溢音逸）高而不危。所以長守貴也。

滿而不溢。所以長守富也。富貴不離其身。然

後能保其社稷。而和其民人。

列國皆有社稷。其君主而祭之。

言富貴常在其身。則長為社稷之主。而人自和平也。

（離力智反）蓋諸侯之

孝也。詩云。戰戰兢兢。如臨深淵。如履薄冰。

戰戰

恐懼。兢兢戒慎。臨深恐墜。履薄恐陷。義取為君。恒須戒慎。

（兢居陵反）

卿大夫章第四

非先王之法服不敢服

服者身之表也。先王制五服各有等差。言

卿大夫遵守禮法不敢僭上偏下

非先王之法言不敢道非

先王之德行不敢行

法言謂禮法之言德行謂道德之行若言非法

行非德則虧孝道故不敢也

德是故非法

不言非道不行

言必守法行必遵道

口無擇言身無擇

行

言行皆遵法道所以無可擇也

言滿天下無口過行滿天

下無怨惡

禮法之言焉有口過道德之行自無怨惡

惡去聲三者備

矣然後能守其宗廟

三者服言行也禮卿大夫立三廟以奉先祖言

能備此三者則能長守宗廟之祀

蓋卿大夫之孝也詩云夙

夜匪懈以事一人

夙早也懈惰也義取為卿大夫能早夜不惰敬事其

君也○佳賣反

懈

士章第五

資於事父以事母而愛同資於事父以事君

而敬同

資取也言愛父與母同敬父與君同

故母取其愛而君

取其敬兼之者父也

言事父兼愛與敬也

故以孝事君

則忠

移事父孝以事於君。則為忠矣。

以敬事長則順

移事兄敬以事

於長則為順矣。

忠順不失以事其上然後能保其祿

位而守其祭祀

能盡忠順以事君長則常安祿位永守祭祀

蓋士

之孝也詩云夙興夜寐無忝爾所生

忝辱也所生謂

父母也義取早起夜寐無辱其親也。

○忝吐簞反

庶人章第六

用天之道

春生夏長秋斂冬藏舉事順時此用天道也

分地之利

分別五土視其高下各盡所宜此分地利也

謹身節用以養父母

身恭謹則遠取辱。用節省則免飢寒。此庶人
公賦既足則私養不闕。○養羊尚反。庶人
之孝也。唯庶人為孝。故自天子至於庶人。孝無
終始。而患不及者。未之有也。始自天子。終於
孝道同致。而患不能及者。未
之有也。言無此理。故曰未有

三才章第七

曾子曰。甚哉。孝之大也。參聞行孝無限高卑。始知孝之為大也。

子曰。夫孝。天之經也。地之義也。民之行也。經也。利物為義。孝為百行之首。人之恒德。若三
辰運天而有常。五土分地而為義也。○行下

孟反下同

天地之經而民是則之

天有常明地有常利言人法則

天地亦以孝為常行也

則天之明因地之利以順天下

是以其教不肅而成其政不嚴而治

法天明以為常

因地利以行義順此以施政教則不待嚴肅而成理也

先王見教之可

以化民也

見因天地教化人之易也

是故先之以博愛而

民莫遺其親

君愛其親則人化之無有遺其親者

陳之以德義

而民興行

陳說德義之美為眾所慕則人起心而行之

先之以敬

讓而民不爭

君行敬讓則人化而不爭

導之以禮樂而民